

CAP. PECVLIARE.
 DE C V T I S C O R R O-
 S I O N E , Q V A N D O E T
 quomodo ea sit vtendum.

IN V A L V I T consuetudo apud nos trōs ; vt
 a grī in quibusdam affētib⁹ cutim & corpus
 corroendum aquis subijciant , idq; faciunt cum
 aquæ refrigerata , & tepidiores factæ sint. Etsi
 autem hæc consuetudo in quibusdam affētib⁹
 mihi non displiceat , tamen magni errores vel ab
 ipsis a grīs , vel consilio hospitum sapè commit-
 tuntur. Quidam enim non purgati corpore aquis
 rodentib⁹ sese commitunt ; quidam hoc faci-
 unt cum non opus sit aut conferat , quidam ni-
 mis refrigeratis illis vtuntur , quidam longiore
 tempore in aquis quam oporteat morantur .
 quidam dolorem ob corrosionem & exulcer-
 ationem ferre non possunt , sed statim ante tempus
 calida vtuntur , vt consolidata cute dolores ces-
 sent. Quare autem frigida , hoc est , non in gradu
 extremo frigida , sed tepida corrodat & exculce-
 rat , calida verò consolidet , iam causam refe-
 ram. Etsi autem libenter vnicuiq; suam opinio-
 nem relinquam , tamen meam hic attexam. Atq;
 sunt dua causæ , cur refrigerata rodat. Prima
 est aluminis chalcanthi & nitri acredo , quæ mi-
 nera in refrigerata aqua potentiores vires ba-

bent quām in calida. In calida enim partes eorum minerarum diffusæ & disiectæ, etiam quodammodo obtusæ sunt, atque ideo non sunt ita actuosa & efficaces: in refrigerata autem coniunctæ & acres sunt, calore qui illas diffundebat & obtundebat dissipato. Secunda est absentia pinguedinis calcis, rubra & alba terra, quas antè rubricam & bolum albam appellavimus. Haec enim pinguedines cum per aquam diffusa, caloris qui eas retinet beneficio, adhuc integræ, nec per vaporem resolutæ aut refrigerationem secretæ sunt, mineras iam relatas obtundunt, ut vires suas exercere non possint, obtusa à viscosa pinguedine calcis & bolorum. Pinguedo enim acredinem obtundit. Cum verò illa viscosa pinguedo per vaporem dissipatur aut secernitur, id quod contingit cum aqua refrigeratur, tunc acriores illæ minera iam ab illa pinguedine liberatae, vires habent multo potentiores & valentiores. atq; ideo aqua refrigerata cum corredit, cùm propter caloris absentiam, qui disiectebat partes minerarum: tum etiam ob dissipatam & secretam calceam sulphuris & bolorum pinguedinem, qua calida adhuc existente aqua obtundebat vim earundem. atque hæc est causa, cur refrigerata rodat & exculceret. Cur autem calida consolidet manifestum esse poterit ex relatis, nam pinguedo & calor aquæ frenant & impediunt actionem acrum mineralium, ne

rum, ne consolidationi obstatere possit. Saxum, verò calcarium, nec non rubrica & bolus alba (ex cuius succo velut materia gypsea in materia cementosa nascitur) exiccat & consolidant. Atq; hec est causa cur calida consolidat. Hanc ego, quantum quidem indagatione solerti assequi potui, existimo rationem esse probabilem & veram. Quod si quis meliorem excogitarit & proposuerit, hanc libenter audiam. Rodit autem aliud citius, quam alterum. non quidē propria actionis ratione, sed accidentis & relative. Quorum enim habitus corporis humidus & rarus, & cutis rara & subtilis est, horum corpus & cuius facilimè corroduntur & exulcerantur materia enim pro exulceratione adest, nec non facilis est illius attractio, raro habitu corporis & subili cute existente. Quorum verò habitus corporis est densus & siccus, nec non cutis durior, his cutis non facile corroditur, & quia paucior est materia, & meatus densi & siccii, per quos trahi illa debet, sed tantum illa lenè attrahitur, sub cute latens, nec in pustulas ut in priori corpore resolvitur, sed cum calida aqua adhibetur, tunc materia illa conclusa & frigida mobilis & actuosa redditur, et pustula prorumpunt, & exulceratio oboritur. Non autem est existimandum calidam quoque corrodere, cum hec illius non sit propria actio, sed quia materiam aqua refrigerata attractam attenuat.

& moveat ut extra cutem prorumpat, & parva
 pustulae & vesculae fiant, ideo putatur cutum
 exulcerare & corrodere, cum potius, ut ante
 indicatum est, consolidet, nisi quis dicere velit
 hanc corrosionem fieri per accidens. Ut autem
 res fiat planior & certior, indicabo primum,
 qui corrosionem experiri debent, qui non. I I.
 Quando vtendum corrosione. I I I. Quomodo.
 I I I I. Quam diu. Quod ad primum attinet,
 non quibus sine respectu & discriminione corrosio-
 nem subire debet, est enim illius magna vis.
 Atq; ideo ut respectus & virtus & morbi ha-
 beatur, ij moram aquæ tam diutinam & ex-
 ulcerationem ferre posunt. I. Qui habitum cor-
 poris habent bonum & firmum. I I I. Quibus
 constitutio seu temperies est humida. I I I I.
 Quibus fortis est virtus, nam omnino in ista re,
 ubi lavatio, praesertim in refrigerata aqua, in-
 tantum tempus extenditur, virtute & calore
 firmo opus est. I I I I. Quibus caro rara, humi-
 da, & cutis tenera & subtilis est. V. Quibus
 malum vel in habitu musculo, vel articulis vel
 brachijs & cruribus consistit, si vero aut in ce-
 rebro, aut ventriculo, aut iecore, aut liene, aut
 renibus, aut matrice, aut alijs in visceribus in-
 ternis malum hæscrit, frustra suscipitur, imo cum
 detimento, hoc praesidium. V I. Corrosione
 vtentur ij, qui revellere ab interioribus ad ex-
 teriora malum volunt. Est enim hujus in re-
 vulsione

vultione magna vis , cum materia velut per-
 cauterium opposita revellitur & attrahitur.
 Haec igitur sunt indicationes quae ostendunt , qui-
 bus corrosio adhiberi & vilis esse possit. Cor-
 rosionem vitare debent siccari , extenuari , senes-
 tales sint , sive per accidens ita facti , etiam hi
 quibus natura & virtus debilis est , hi qui sca-
 bie siccata aut senili laborant , qui cutim densam
 & siccac habent , omnes hi , vel quia corrosio-
 ne nihil proficerent , vel virtutem longiori in
 balneis mora debilitarent , vel corpora ante fri-
 gida nimis refrigerarent , nisi adessent aliae indi-
 cationes , a corrosione & ulceratione abstinere
 debent. Sequitur II. Quando corrosione veni-
 dum. Non quovis tempore ad corrosionem &
 exulcerationem veniendum , sed eo , cum & aer
 tepidus , & corpus humidius existat , nihil enim
 est quod adeo cuti & corpori exulcerato obsit
 ac aer frigidior & asperior , cum enim corpus sit
 apertum , & humores moti facile , vel ex levi
 saltem alteratione , gravissima symptomata ,
 prasertim in corpore tenero & iam languido ,
 ob continuam moram in balneo facto excitari
 possunt. Ideoq; neque hyemali tempore , neque
 alijs temporibus , in quibus aer aliquanto aspe-
 rior & frigidior est , corrosionem suadeo , sed so-
 lummodo calido & tepido , quale est principi-
 um aestatis & pars ultima veris , quod si au-
 tumnale

sumnale tempus tepidum, & calidum aërem
 habuerit, non est illud prætermittendum. Pra-
 terea non est descendendum ad corrosionem, ni-
 si eo tempore, quo corpus a superfluis & pec-
 cantibus humoribus evacuatum fuerit, alias
 enim si quis sine purgatione se eiusmodi exulce-
 rationi committere auderet, in gravissima sym-
 ptomata incideret, ut lipothymias, vertigines
 inflationes, dolores cholicos, dyspnæas, atq; alia
 quamplurima, novi enim exempla. Ad III.
 quod attinet, quare diu in aqua morandum do-
 nec corrosio fiat. consuetudo non admodum bo-
 na invalidit, vt quidam vna die & nocte conti-
 nua, quidam duabus diebus & tot noctibus,
 aut etiam pluribus, sine consideratione aut vir-
 turis, aut morbi, aut aliarum circumstantiarum,
 continue in balneo morentur, & periculose na-
 turam affligant, cum alia ratione eam rem insti-
 tuere possent, vt noctem, cui requies & somnus
 dicatus est, omittent. Non autem certum
 tempus moræ in balneo, ob sapè relatas circum-
 stantias morbi, habitus, aetatis, virium, defini-
 ri potest. Quaedam enim corpora parvo tempore
 ad exulcerationem veniunt, quedam vero lon-
 giore, id quod te præsens conditio, hancus cor-
 poris, cutis & temperie, vt supra ostensum est,
 docebit. Humida enim corpora, & rarior, vt
 dicitur, texturæ, nec non tenerioris cutis, ci-
 tissimè ad corrosionem perveniunt, quemadmo-
 dum &

dum. & huius & opposita rei exempla vidi.
 Non autem suadeo, ut noctem in moram lavandi assumant, ne natura ob vigilias nimis debilitetur, & cruditates in ventriculo ob eandem causam colligantur, quae res pernicioſiſſima est in proposito caſu ſubeunda corrosionis. Cruditates enim illa ad ſuperficiem attraherentur. Omittenda igitur nox eſt, & dormiendum, ut virtus refici queat, & moram lavationis interdiu ſuſtinere poſſit, neceſſe eſt enim, ut ſi corpus reſolvi debet, una die vel decem vel duodecim horas lavando conſumar, adhibito tamen reſpe-ctu circumſtantiarum, ita, ut ante prandium ſex, poſt prandium quatuor aut plures horas, ſi cito & parcè pransus fuerit, & ager robuſtus fuerit habitus, abſolvere poſſit, tamq; diu la-vandum donec cutis corrodatuſ. Sed hoc obſer-vandum eſt, ut primo die à pauciorib. horis in-cipiat, exempli cauſa, ſi ante meridiem tres, poſt meridiem duas abſolvat, & poſt ſemper aſcendat, & duabus aut pluribus horuſ numero-rum augeat, donec corroſio veniat. Atq; etiam hoc notandum eſt, ne aqua nimis ſit refrigerata. refrigerat enim corpus non ſolum actualiter, ſed etiam potentialiter, quod ſi fieret, ſymptomata gravia ſequentur. Ita autem refrigerata eſſe debet, ut lavans non frigeat, nec horrore ob ſinguſ ſtimuletur, ſed teporem, non calorem, qui ſudorem movere poſſit, perſentiat. Novi enim hoſpi-

hospites qui sine discriminē patientibus omnib.
 valdē tepida, hoc est, frigidam, qua horrorem
 inducit, suadeant magno cum detrimento pati-
 entum. Quod si quis ad exulcerationem festinet,
 curet ut balneum non quotidie expurgetur, sed
 tertio vel quarto quoq; die, acrior enim sit stans
 aqua, et cutim citius quam alias corrodit. Quod
 si iam cutis corroso sit, ager, quod quarto loco
 de modo proposuimus, non ut ante in balneo
 morari, sed inde egredi (nam temporia diutur-
 nitate virtus nimis debilitaretur) & se optimè
 vestibus præmunire debet, ne corpus ab aëre of-
 fendatur, & in hypocaustum calefactum ingre-
 di, atque ibi vel obambulare, vel sedere, vel si
 hoc non possit, cubare debet, ut materia noxia
 effluere possit. Post unam autem vel duas etiam
 horas balneum iterum ingredi, ibi; per unam
 horam aut paulo plus, morari debet, post ite-
 rum ingredi, & eodem modo, ut ante indicatum
 est, ad duas vel plures horas extra balneum mo-
 rari debet, ut materia peccans effluere possit,
 post iterum se immergere secundum horas con-
 suetas lavando debet. Idq; facere quantum pos-
 sibile quater aut quinques uno die, in eoq; duo-
 bus aut pluribus diebus persistendum, donec
 ichor ille fluere desinat, & corpus sit resiccatū.
 Post veniendum ad calidam, qua primo die ca-
 lorem magnum non habeat, sed temperatum,
 atq; ita temperatum, ut paulo calidior tepida ea,

qua

qua patiens in corrosione r̄sus fuit, sentiatur;
 quod ideo æger notare debet, ne corpus apertum
 calore l̄datur. postea semper & in calore &
 mora sequentibus diebus ascendat, donec conso-
 lidatio firma & cutis densior fiat. Dividenda
 autem sunt (ut antē quoq; de mora & in balneo
 & extra illud ; cūm corpus corrosione apertum
 factum esset, indicatum est) lavationes primis
 diebus in plurimas vices, ne corpus mora offendatur, ita vt primā die quater aut quinquies la-
 vet, atq; vna vice quadrantem, aut quadran-
 tem cūm dīmidio vnius horae consumat, & extra
 balneum in calido hypocastlo vna hora moren-
 tur, vt calor attrahi & natura operari possit.
 Post sequentib. diebus semper moram in lavan-
 do augeat, & tempus quoq; extra balneum ali-
 quanto producat, & vices in principio pra-
 scriptas diminuat. Quod ad observationem re-
 rum sex non naturalium attinet. Aëre æger vta-
 tur puro, non fumoso & humido; ideoq; videat,
 vt in loco eo, vbi aer alterari queat, & fumi non
 sint conclusi, habitet. Fugiat aerem frigidum,
 præsertim quando balneum egreditur, caput be-
 ne muniat, ne diuturnitate lavationis offendatur.
 Cibus sit facilis digestionis, cui etiam ea, quæ
 virtutem & cor roborant, admista sint. Vino in-
 terdum vratatur ob eandē causam. Dum in balneo
 moratur non edat aut bibat, vt solet plerunq; in
 hoc casu fieri, dum æger lavationes continuare
 vult,

vult, aut dolorēm, qui extra balneū, corrosō corpori accidit, metuit, sed extra balneum prandiola sua & cœnulas habeat. A somno abstineat, replet enim caput, & virtutem animalem debilitat, & humores à superficie ad centrum revocat. In primis autem curet ne alvus obstruatur, est enim in hoc casu pernicioſum. Quapropter aut brodio ex prunis, aut cassia alvum molliat & laxet. Mæror, ira, in tanta lavationis diuturnitate ut res perniciōſissima, præſertim mæror, abesse debent, debilitant enim virtutem, resiccant corpus, & ab exterioribus ad interiora humores revellunt. Atque de corrosione tantum. Nunc aliquid de ducia ſeu ſillicidio eſt commemorandum.

DE STILLICIDIO.

Mos etiam hic non eſt laudandus, vt multi ſine respectu & consideratione habutus corporis, loci affecti, humorum, temperiei, &c. caput aut alias partes ſillicidio ſubijciant, unde etiam contingit, ut peius multo quam anie habeant. Quidam etiam ſlatim in principio, cum neq; ante bibiſſent aquam, aut in ea lavarent, quidam ſine purgatione, quidam etiam in balneo ſillicidio viuntur. Huiusigitur universi errant, & non recte valetudini ſua proſpiciunt. Ut autem neque in hoc agris ſcriptio noſtro deſimus, indicabo primò, quibus ſillici- dium

dium prodesse, quibus obesse possit. I. Quae facere ægrum oporteat antequam stillicidio ratiatur. II. Quando ad stillicidium descendere debeat. III. Quomodo se in stillicidio gerere debeat. V. Quam diu. Quod ad primum attinet, stillicidium prodest omnibus refrigeratis & humidis partibus, his præserim, quibus lavatio impressionem magnam non facit, aut ad quas illa non pervenit, ut est caput & occiput interdum. Sæpè enim accidit, ut cum lotio vincere humorem aut partem robore non possit, stillicidium hoc præstet, ut cum malum pætinax hæreat, aut in brachijs & cruribus aut spinali medulla per stillicidium solvatur & superetur. Partibus, igitur nec vosis atq; ipsi cerebro illud optimè prodest, frigidis & humidis, ut antè quoq; indicatum, illis existentibus: ita catarrhis frigidis, dolori capitis & vertigini, atq; alijs affectionibus capitis humidis & frigidis, it: lapsæ memoria, ob eandem causam, prodest. Obest stillicidium his quibus caput facile impletur, sive hoc scilicet caliditatis illius ratione, sive imbecillitatis illius, nam veroq; modo caput repleri potest. Obest etiam stillicidium his, quibus caput est calidum & succum, aut alias imbecille. Propter caliditatem enim illius plus calefieret, propter imbecillitatem stillicidium sustinere non posset. Obest etiam stillicidium his, quibus corpus nimis calidum, vaporosum aut plethoricum, aut etiam humidum

midum nimis fuerit: caput enim calefactum attraheret ab inferioribus vapores & materiam, quibus repletum in gravissima symptomata incidere posset. Atq; hic notandum est, si caput ex consensu ventriculi male afficiatur, non illud ad stiblicidium revocemus, sed prius potionē & lavatione ventriculum cūremus. Hac autem cura & consideratio non ad idiotas & hospites, vt ante quoque est ostensum, sed ad medicos pertinet, neque generalia praecepta ita possunt præscribi, vt ad omnia individualia accommodari possint.

I I. Aeger, vt antē indicatum est, non in principio statim, antequam vel potionē vel lavatione vsus sit, ad stiblicidium venire, sed in fine, postquam vel ambo illā vel alter utrum absolutum sit, illud aggredi debet, nisi neutro opus habuerit, tunc nullius respectum habere potest, nec etiam sedens aut iacens in balneo stiblicidio partes subiectat, nam dum in balneo humores fundantur & collquentur, fieri posset, vt à capite calefacto illi attraherentur. extra igitur balneum recto bene corpore iacens, vt ego in Italia vidi, desuper cadentem aquam, raso capite, excipere debet. Ante omnia autem corpus prius bene purget, & postea etiam eam partem, quam stiblicidio submittere vult, ne assit materia qua ad eam partem, præcipue vero caput, attrahi, aut si ante fuerit in ea commoveri possit;

novi enim & audiri ab hominibus fide dignis

EXEMPLI

exempla eorum, qui cum vel sine purgatione totius & partis vel plethorici nimis & humidi stillicidio vsi fuissent, in apoplexiā incidissent, quapropter ante stillicidium diligenter consideranda sunt circumstantiae, an illud possit conferre, & si utile futurum sit, diligenter corpus prius purgetur. Est etiam hoc notandum, ut aeger non nisi alvo prius manè evanescat ad stillicidium accedat, curetq; ut locus, vbi illud recipere vult, non sit paludosus, aut humidus, aut ventosus, vel etiam ibi aë respiret frigidior, vel etiam Sol eò radios suos mittat. Obsunt enim ista omnia stillicidio. Sic igitur se præparare debet aeger antequam stillicidium subeat. Sequitur III. de tempore, quando ad illud accedendum sit. Est autem tempus duplex, univ ersale & particula re. Quod ad univ ersale attinet, ut ante de corrosione dictum est, tempus esse debet neq; valde calidum, neq; frigidum, sed tepidum, quale est principium astutus & finis veris, & in autumno quadam partes sunt, quæ neq; excessum caloris habent, nec sunt frigidae, ijs igitur temporibus stillicidium est conveniens. Quod ad particulare attinet, matutinum tempus nec non respertinum, quod incidit ad horam tertiam, est aptum, quo tempore etiam hoc notandum est, ne prandium excessum habeat, sed breve sit, nec ex ijs, quæ vel difficilis sint concoctionis, vel multos fumos ad caput mittant, ut sunt coepe, allia, &

sit apparatus, alias enim stillicidium non futurum est salubre. Nunc IIII. considerandum renit, quomodo patiens se in ipso stillicidio gerere debeat. Evacuata igitur manè, ut relatum est, alvo, æger ad stillicidium descendere, & corpus bene munire & tegere, nec non vocis contentiones & cantiones vitare debet, abstineat quoq; à somno, replent enim hac omnia caput. Peracto stillicidio æger caput tegere & detergere debet, idq; facere non valde calidis linteis, ne caput nimis incalescat, sed tepidis, postea mitra linta tegere & munire illud debet, ne ab aëre externo offendatur. Atq; rectum caput ita servare toto tempore stillicidiū. Post stillicidium non statim prandeat aut cœnet, ne motus evaporationis impediatur, sed æger paulatim caput refrigerari sinat, ut ad prandium aptus esse possit. Est etiam hoc observandum, ut si pars aliqua frigidior, aut densioris carnis, aut cutis fuerit, ut in senibus & alijs complexiōnibus accidit, aqua altiori loco cadat, ut major fiat impressio, si vero fuerit calidior & rarius constitutionis ex humiliori. Præterea, ut de alijs quoque est ostensum, non à calidiori incipiatur stillicidio, sed à tepido & mediocriter calido, & sequentibus diebus semper calorem augeat, quantum quidem sensus & virtus ferre potest. Prandium, ut indicatum est, non sit longum, nec ex ijs, quæ sunt difficultis concoctionis,

nec

ne multos fumos generet, sed ex temperatis instruclum, ne stillicidio vespertino ob sit. Post quatuor igitur horas prandio absoluto, rursus stillicidium subeat, & eodem modo sese gerat & in ipso stillicidio & post illud, ut est prescriptum in antemeridiano detergendo & siccando caput, & mitra lintea muniendo. Hac de quarto. Nunc de quinto aliquid. Quam diu in stillicidio subsistendum sit. Hic rursus & universale & particulare tempus considerandum venit. Et quia iterum magna est differentia partium, virtutis, & aliarum circumstantiarum, quarum consideratione tempus certum prescribi non potest, ideo non multum verborum faciemus. Hoc tamen medium quodammodo, quod nec propter excessum ledere possit, nec propter defectum nihil efficere, judicare esse observandum, ut stillicidium, cum haec aqua sit calidissima & magnam faciat impressionem, ultra septem dies non produceretur. Sed ut commemoratum est, certum tempus ob circumstantiarum differentiam constitui nequit, potest enim pro individuorum respectu, & contrahi & extendi, quares ad Medicum & harum aquarum peritum pertinet. Tempus vero particulare eandem etiam ob causam certum & statum definiri non potest: sed tamen si medium iterum consideremus, existimarem ego, si ante meridiem una cum dimidia, post verò meridiem una sal-

tem hora , partem sub stillicidio retineret . Sed quantitatem horarum & etas & habitus illarum partium , quae stillicidio sunt subjicienda , nec non virtus & temperatura docebit . Et quecunq; de potionē , lavatione & corrosione supra sunt præscripta , ea etiam hic consideranda veniunt . Atq; tantum de stillicidio .

DE STVFFIS.

APVD nos hactenus non fuit usus stuffarum , quarum tamen si in usum venirent , præsertim in his nostris thermis , magnum esset præsidium , vapores enim aquarum nostrarum valde fundunt , attrahunt & resolvunt per sudorem humores , nec non excalfaciunt & resicant , vnde cacheticis & futuris hydropticis , arthriticis , scabiosis , & similibus , qui affectum & vitium in partibus corporis exterioribus patiuntur , proderent . Quomodo autem stuffæ parari (nam sunt quædam loca , in quibus ob auram illam abominabilem foveæ fieri non possent) deberent , suo tempore popularibus meis , Deo volente , ostendam , bene enim stuffæ , licet non per foveas , ut ego ad balnea Aponitana , Senensis & Neapolitana in Italia vidi , construi & formari poterunt . Nulla autem nunc præcepta dari de his possunt , cum nullæ sint , quæ extant .

Atq;

A T Q V E hucusq; produxit autor tra-
ctatum suum de usu calidæ in thermis Ca-
rolinis. Quod si non illum nobis eripuisset,
mors immatura, dedisset ipse & hæc & alia
plura cultiora & magis elaborata. Hæc
enim, quæ nunc edimus, fuerunt ab ipso pro-
ratione temporis & aliarum occupationum
hoc modo concepta, quæ tamen ipsa nos
nō perire, sed liberaliter omnibus eruditis,
ijsq; in primis, qui hac calida vsuri es-
sent, communicare voluimus, quæ vt grata ac-
cepta q; sint, pétimus humaniter ab vni-
versis.

F I N I S.



H 3

INDEX